



廬山紀事



漢書門			
二	三	五	七
一	七	一	七
冊	架	函	號

內閣文庫			
九	二		漢
函	三		書
九	一	五	
架	冊	七	類

內閣文庫			
番號	漢	2357	
冊數	10 (6)		
函號	292	47	



廬山紀事卷之六

山南自五老峯南行至宮亭湖

舍鄱口東北為五老峯

山疏五老峯在南康府北自府治北望森然如旒帟

幕以蔽其後第二峯下有兩洞

潯陽記橫隱蒼空迥壓彭蠡其形勢如河中虞鄉縣

前五老山

商丘漫語自下望之勢如倚立自上觀之相距苦遠

不聯屬也巉削壁立數百千仞軒軒然如人箕踞而

窺重湖又如五雲翩然欲飛湖山煙水微茫映帶東



淺草文庫

南州郡數百千里軒豁呈露可指顧而盡

李太白予行天下所游覽山水甚富俊偉詭特鮮有能過之者真天下之壯觀也

朱文公游廬阜五老峯諸山題志晦翁與程正思丁復之黃直卿俱來覽觀江山之勝樂之忘歸皆淳熙己亥重午日翁子在甥魏恪侍行

李太白五老峯詩廬山東南五老峯青天削出金芙蓉九江秀色可攬結吾將此地巢雲松

江夏郭太史明龍五老峯詩湖中五老峯去人不居尺澗底白雲生五老頭俱白

吳筠廬山五老峯詩彭蠡隱深翠滄波照芙蓉日初金光滿景落黛色濃雲外聽猿鳥煙中見杉松自然符幽情瀟灑愜所從整策務探討嬉遊任從容玉膏正滴瀝瑤草多丰茸羽人栖層崖道合乃一逢揮手欲輕舉爲余扣瓊鐘空香清人心正氣信有宗末用謝物累吾將乘鸞龍

明參議孫應鰲五老峯詩五老重相見真如遇所親獨看青眼在共作白頭新

同知陳守義泊舟鄱湖望五老峯詩湖上風清寄一航雲巢松壑來客狂嘯倚乾坤招五老閒看鷗鷺沈

流光高臥不見黔婁子曠懷且進崑崙觴山月欲沉
鳥語下舟人喚起夜未央

五老峯下有李太白書堂

圖經太白情尚卓逸不爲時羈仕旣不得志益肆意
山水間見五老峯而奇之遂卜築焉它日將歸中原
猶戀戀不忍去指山而矢之日期君再會不敢寒盟
丹崖翠壑尚其鑒之

太白年譜天寶十四載乙未安祿山反明年明皇在
蜀詔永王璘節度東南璘舉兵反白時臥廬山璘脅
致之已而璘軍敗州陽白奔亡至宿松山坐繫潭陽
獄宣慰大使崔渙御史中丞宋若思驗治白以爲罪
薄宜貸宋表薦云前翰林供奉李白年五十有七爲
璘脅行中道奔走卽已陳嘗經渙及臣推覆審實無
辜白有經濟之才請拜京官獻可替否以先朝列不
報乾元二年己亥猶以璘事長流夜郎半道承恩放
還

楊衡隱居

唐詩紀事楊衡者元和中詩人嘗居廬山人有竊衡
詩而登第者其後衡及第見其人怒曰一一鶴聲飛
上天之句尚在耶其人遜謝曰此句知凡甚愴不敢

竊之衡莞爾曰猶可恕也隱居今不知處

符載隱居

山疏符載者蜀人也與楊衡並善為詩偕隱五老峯下隱居今不知處

晁氏曰符載字厚之岐襄人幼有宏達之志隱居廬山聚書萬卷不為章句學貞元中李巽觀察江西薦其才授奉禮郎為南昌軍副使繼辟西川韋臯掌書記澤潞郗士美參謀歷協律郎監察御史元和中卒段文昌為墓志其集皆雜文末篇有數詩而已集前有崔群王湘送符處士歸觀序皆云載蜀人以此

馬王揚云

崔群送符載還蜀省觀序 旄頭光明垂三十載不習俎豆化為侯王者有八九焉隱逸憔悴羔鴈不行蒼山沈沈側陋不顯建中初有峨嵋容符君發六籍掉三湘深入庄廬絕迹半紀學窺顏子之門闕文紹陳君之骨鯁逸慕嚴光之垂釣志效管寧之不欺結廬熙熙人不知其然也頃予奉命江西三年徃復彭蠡未嘗不詠湖月漱天倪造符君雲扃宿五老峯下動更晦朔不理還擢偶丹青至人白鶴羽客蹇靈芝躡天壇相顧永息乎蓬瀛豈復又縈於塵網覩君超澹

一唐詩紀事卷六
四
愴興舊遊雖笑語飲食如常終忽忽若居人夢君家
在岷蜀展愛高堂將聖賢典籍充人子幣帛斯所以
激衰俗扇清風方伯地君不以厚禮遲吾子予未之
信秋九月楚人歌採蘭以送之

唐詩紀事載字載之有奇才始與楊衡宋濟習業青
城山衡擢第濟老死無成唯載以王霸自許耻於常
調韋臯鎮蜀辟為支使雖被知遇然尚偃蹇臯嘗於
二十四化設醮請撰齋詞載時飲摩訶池離席盥漱
命小吏十二人捧硯人分兩題緩步池上口占授之
其敏速如此時劉闢為金吾倉曹參軍載贊其直

矯矯化初氣傑文雄靈竇出水秋鷲乘風行義則固
輔仁乃通他年良覲麟閣之中及臯卒闢摠留務載
亦在幕中闢敗載素服請罪高崇文以贊有行義輔
仁之語禮而釋之

柳宗元上江陵趙宗儒啓伏聞以武都符載為記室
天下之士雜然相顧繼以歎息夫以符君之藝術志
氣為時聞人才位未會盤桓固久中間因緣陷在危
邦與時偃仰不廢其道而為見忌嫉者橫致唇吻房
給事以高節特立明之於朝王吏部以清議自任辨
之於外然猶小人浮議困在交戟凡諸侯之欲得符

君者城聯壤接而惑於騰沸環視相讓莫敢先舉及受署之日則皆開口垂臂悵望悼悔譬之求珠於海而徑寸先得則衆皆悞然罷去知奇寶之有所歸也
雲溪友議于頓鎮襄陽載致書乞買山錢頓與之錢百萬

有釋道之室曰大明觀吉祥寺頭陀寺芝山寺

唐姚係五老峯大明觀贈隱者詩雲觀此山北與君攜手稀林端涉橫水洞口入斜暉乍見鸞鶴瀟忽為煙霧飛故人清和客嘿會琴心微丹術幸可授青龍當未歸悠悠平生意此日復相違

楊衡宿吉祥寺寄隱者詩風鳴雲外鐘鶴宿千年於

相思杳不見月出山重重

李涉再遊頭陀寺詩無因斲泊魯陽戈白髮兼愁日

日多只恐雪晴花便盡數來山寺亦無他已上寺觀

竝廢

獅子峯金印峯旛竿峯凌雲峯折桂寺

五老峯前有峯嵯峨是為獅子峯

舊志獅子峯在五老峯南亦謂之獅子崖

星壑崖在獅子峯前崖有洞可通人行自下望之如

星俗謂之橋崖

南康志竹林院在獅子崖下相傳卽有影無形聖僧
隱焉者也

獅子峯前有石如印爲金印峯其下有李庭筠書堂

南康志金印峯去縣北三十里舊志在五老峯下山
疏今無復有知此峯者

李庭筠不知何許人舊志庭筠嘗舉進士仕爲四門
博士書堂雙石出雲飛瀑在下亦佳境也今廢

舊志五代李徵古復卽書堂遺趾讀書舉進士仕南
唐爲樞密副使出判洪州復過書堂乃賓客置酒樂
飲作記勒石乃去後亦燬山疏徵古事具通鑑綱目

獅子峯南下爲旛竿峯凌雲峯

舊志旛竿峯在折桂寺後其下有水曰旛竿源山疏
旛竿峯二石也高丈許亭亭立如旛竿其上有大磐
石可坐數十人有泉出於石下逕旛竿峯下流過折
桂寺名旛竿源

舊志凌雲峯上隱碧空下吞湖江其下有白龜池白
龜潭

山疏凌雲峯舊志凡再書今人無復知者依志具載
或曰卽白龜山

凌雲峯下有折桂寺李逢吉書堂遺趾也寺後有讀書臺

舊志李逢吉書堂在凌雲峯下黃雲觀東新志逢吉嘗讀書於此已而舉進士故寺名折桂

梅溪集有僧年八十一言廬山諸寺惟折桂楞伽不被焚燬

山疏書堂為寺事亦久遠然新舊二志俱不詳其沿革逢吉事具唐書本傳

石劄晦翁通史送張襄陽至此痛飲而別又嘉定戊寅七夕前一日長樂黃喻潘相循江湖泳雲門高九

萬莆田陳必方信孺方子槐方長孺臨川缺鹿鄉南昌宋恭信孺子左鉞來遊又元統乙亥三月邑令番

缺李采能警曹筠姚肯堂同遊黃雲之觀又嘉靖九年九月廿九日閩劉世揚題識同遊邵博張金龔綽

庠生余士驥戴拱折桂之上有黃雲觀

山疏黃雲觀在獅子峯麓大石崖下今廢

朱文公折桂院行記始予至折桂院之西軒愛其江山之勝道人雲公為予言此未足觀少上當益奇因導予行溪竹中缺缺大阜背負五老面直江湖東西數百里雲山煙水渺茫縈帶奇絕不可名狀乃規作亭其處取李翰林廬山謠中語命以為黃雲觀會

雲公去不果為今年春乃克為之未訖工而余代去
閏月晦日與清江劉子澄長樂林擇之開封趙子明
溫陵許景陽建安王春卿長樂余占之陳彥忠臨淮
張致遠長樂黃直卿俱來因記其事雲公諸王孫弃
官學淳圖灑今客大洪山云淳熙八年辛丑歲朱熹
仲晦父題

折桂之水東南流出白鹿洞

團山硃砂峯行龜峯石船峯木瓜岩凌霄峯凌

霄岩凌霄院

獅子峯西南為團山山東有雙雞峯滴水岩

山疏團山澗在團山東澗東有石如龜澗西有二
如雞勢且豸名雙雞峯

滴水崖在團山澗西崖皆穹窿如岩有泉百餘滴
滴而下不絕如雨狀陰則勤晴則緩

團山澗水西南流出太平寺

團山之西南為硃砂峯又西南為行龜峯

山疏硃砂峯相傳其下舊出硃砂或曰峯有赤石如
硃砂云王十朋張孝祥俱有詩

黃石港之水循硃砂峯背西南流與諸水會

團山東南稍下有石船峯

山疏石船峯其兩舷皆裂隆人曰雷擊之也然志
俱不載

石船峯西南為木瓜崖

山疏木瓜崖即道士劉混成入山種木瓜為食處也
崖有穴如室可居故亦名木瓜岩

木瓜崖南下為凌霄峯凌霄岩

舊志凌霄峯巉巖萬狀上插層霄上有味真洞蔡尋
真李騰空常飛符煉丹於此

真僊通鑑味真洞在九疊屏南五老峯東

山疏今疊屏南五老峯東有二尖峯然人不謂之凌
霄今所謂凌霄乃在五老峯西然勢卑不稱其名不
知何也

其下有凌霄院

南康志凌霄院又名明真院去府西北二十五里唐
僧道乙建

凌霄峯水其一西行與犀牛塘水會其一西行出太平寺
與太平澗會其一西南行出白鶴觀

犀牛塘青牛谷

凌霄岩西南有犀牛塘

山疏犀牛塘有上下兩塘其水西南流逕白鶴觀背

東會折桂之水出白鹿洞

犀牛塘北為青牛谷

一統志青牛谷在五老峯下

舊志在凌霄峯下道士洪志乘青牛得道處也谷內

有淨妙院谷南有雲臺菴並廢南康志宋道士洪志

通經史善布算遇異人授六甲蕩魔法疾之術隱居

廬山常乘青牛故稱

山疏青牛谷在犀牛塘北唐時已有此名疑不始於

洪志云

唐楊衡詩隨雲步入青牛谷青牛道士留我宿可憐

夜靜月明中惟有壇邊一枝竹

明曾榮詩雞鳴山谷海天曙紫氣東來度關去青牛

遺迹今尚存乃在匡廬最深處遙知種玉罷耕鋤萬

里遠為僊人車關門令尹今安在五千道德今何如

谷口年年春草碧草上空餘舊行迹怪底猶疑馘鯨

眠一片寒雲墮青壁

谷有鄭元素隱居

山疏鄭元素者溫韜之甥也朱梁時韜盜發昭陵石

函鐵匣中所得前代圖書及二王真蹟甚富其後韜

殛死元素盡得六圖書真蹟避禍南徙隱居廬山青

牛谷四十餘年所積書千餘卷卒隱居今廢

太平寺白鶴觀

凌青岩西南有太平寺

南康志太平寺亦名臥龍菴在團山南宋僧高峯建
正統中僧行全脩

山疏虎石在太平寺前

舊志白石臺在太平寺西今不存白石臺菴今廢
太平澗水團山澗水西南流逕行龜峯與桃林諸水合
太平寺東南其地曰王楊坂

山疏王楊二姓所居若朱陳村然或謂之黃楊坂

王楊坂水逕金鐘堰羊頭壠入神林湖

有道士室曰白鶴觀

山疏白鶴觀者唐道士劉混成之居也事具虞集記
中觀有泥成煉丹井搗藥臼觀北即犀牛塘

陳舜俞廬山記廬山峯巒之奇秀岩穴之深邃林泉
之美茂為江南第一此觀復為廬山第一

元虞集白鶴觀記白鶴觀者唐開元道士劉混成故
居有丹井藥臼及手種杉猶存杉本大徑丈餘然歲
久中空上折孫枝附生其間亦數十圍矣東坡先生
嘗獨遊聞其聲於古松流水間此其處也初唐高宗

以老子降詔天下皆建白鶴觀九江之觀在德化之
白鶴鄉景隆中又詔天下建景隆觀又建隆興觀郡
卽白鶴易名以應詔復遷今觀於山陽宋太中祥符
中改名承天觀然後人仍名之曰白鶴舊名古石壇
者也後分九江置南康故今隸南康云劉混成者名
玄和其先彭城人後遷都昌五穆里劉氏其族也居
白鶴久之留其弟子何子玉守舍自入五峯石室種
木瓜爲食煉丹成年八十六別其弟子范僊舟而逝
舉棺將窆空無有矣人或從之祈禱往往有奇應者
予行山中見山中奇勝思古之所謂弘衍博人真人
者庶或見之然而遊涉日淺塵累積深莫得承風於
萬一乃徒見古人隱者與縉紳先生之遺跡於木石
間千古之慨豈獨其私哉

唐包佶贈廬山白鶴觀劉尊師詩蒼蒼五老霧中壇
杳杳三山洞裏官手護崑崙象牙簡心推霹靂棗枝
盤春從雪粉加毫潤晚漱瓊漿水齒寒慚恨流年筋
力少欲辭露冕事星冠

韋應物寄黃劉二尊師詩廬山兩道士各在一峯居
矯掌白雲表晞髮陽和初清夜降真侶焚香滿空虛
一作 廬中有無爲藥自然與世疎道尊不可屈符守豈

暇餘高齋遙致敬願示一編書

宋蘇軾白鶴觀詩并序司空表聖自論其詩得味外
味碁聲花院靜幡影石幢高之句為尤善余嘗獨遊
五老峯白鶴觀松陰滿地不見一人惟聞碁聲然後
知此句之工又曰余素不解碁因遊廬山白鶴觀觀
中人皆闔門晝寢獨聞碁聲於古松流水之間意欣
然喜之自爾欲學終不解也兒子過乃麤能之儋守
張允中日從之戲余亦偶坐竟日不為厭也詩曰五
老峯前白鶴遺址長松蔭庭風日清美我時獨遊不
逢一士誰歟棋者戶外屨二不聞人聲時聞落子紋

枰對坐誰究此理空鈎意鈎豈在魴鯉小兒近通
啄信指勝固欣然敗亦可喜優哉游哉聊復爾耳

元虞集白鶴觀詩白鶴山人如鶴白自抱山樽留過

客要看脩竹萬琅玕更對名花曾雪色山樽本出山
下泉過客醉去山人眠客亦是鶴君莫笑重來更待
三千年三月一日清城山道士虞集伯生同臨川江
朝宗鄱陽柴景實潁川陳景可彭城張允道遊白鶴
笑鶴翁見客至欣然自攜一樽與客至竹下看牡丹
花曰今日獨開一朵當是為客發也故為賦此

白鶴之水東南行與折桂之水會

李家山羅漢嶺

白鶴觀東南為白鹿洞

山疏白鹿洞書院事具後七卷中

白鹿洞東北為李家山

山疏李家山者李公擇之居也今不知其址所在

寒泉亭在李家山麓官道傍

白鹿洞南數里為羅漢嶺

山疏羅漢嶺去附城十里所

羅漢寺創於宋廣濟堅禪師紀遊集廣濟以道行得

遇真廟寺成章聖皇后夢十八應真乞歸廬山已而

高麗來貢佛及羅漢金像詔就寺安置因賜額并請

經土田瑪瑙琴象皮鼓陳舜俞廬山記誰劄千年不

死之枯桐冒以三犧欲牲之雙草

寺後有觀音塔觀音泉

烏龜石在寺前橋下南康志石龜尾日出鹽四兩以

給寺僧炊人少之夜鑿其口而廣之鹽遂不出

羅漢之僧曰系南禪師行林禪師

有鄧元素書堂

山疏書堂在羅漢寺東南廢雲臺審其遺址也

其水曰雲臺源

朱家山顏家山向家山

白鶴觀西為朱家山

南康志朱家山在府北十里宋朱翬之居也山疏在

樓暨橋東

朱家山水出王楊坂

朱家山東南為顏家山其上有馮孝女墓

南康新志顏家山在府北五里相傳顏魯公嘗居之

舊志與王京山接其下有顏家橋

舊志孝女名素貞嘗割股以療父病郡守陸德輿大

書以表其墓

向家山側為向家山

南康志向家山在縣西北五里林巒深秀南與府

連宋縣令向沈嘗遊

南康府

向家山東南濱湖為南康府

山疏南康府後倚峻山前距重湖號稱險固然山麓

也雖郡城中亦多磴道坡陀參差車馬馳驟之途罕

矣

王禕六老堂記五老之支散為群岡蜿蜒南行距彭

蠡而止中一岡獨稍後南康郡治在焉

陳篆南康軍治記民淳事簡號江東道院

宋史陳瓘字瑩中號了齋閩之南劍人也剛正敢言建中靖國初為右正言權給事中以事出知泰州徙合浦歸四明又徙通州特勒停送台州羈管宣和中華始得以管勾太平宮去寓南康山疏陳了翁往來廬山南北吟諷自適嘗有墨帖與隨緣居士黃榮晉陵尤褒得之朱晦翁為勒石白鹿洞其後了翁以宣和四年卒於楚州今祀白鹿洞

南康志王禕蚤事 太祖丙午七月除南康府同

知特賜金帶在任有善政多所建明後召還傳信錄

學士王文忠公禕字子充義烏人文章宏麗沈雄自

成一家初 太祖征江西公進平江西頌 上

覽而喜曰吾固知浙東有二儒卿與宋濂耳學問之博鄉不如濂才思之雄濂不如卿除待禮即禮制多所裁定除起居注詔脩元史以禕及宋濂同為總裁一日在史局渴甚謂宋公曰得昨 上所賜梨漿

吾渴濟矣中官竊聞之言于 上即命齎賜之洪

武五年以雲南梁王拒險弗賓詔公招諭為所執不屈死所著有華川集續東華大事記

郡有玄妙觀谷巖洞

南康志 玄妙觀在府治西初宋祥符間荆天慶觀於
谷岩洞元改今名洪武中道士周汝鎮重建觀有道
紀司

谷岩洞在玄妙觀內舊志兩山相翼重岡複嶺並瀾
而行宛若洞府

水玉澗

郡城之東為水玉澗其上有劉凝之隱居

山疏隱居今廢凝之事具清淨退菴類中凝之子慈
格恕子義仲和仲

宋史恕字道原幼穎悟一日輒成誦八歲時客有

孔子無兄弟者即應聲曰以其兄之子妻之座客大
驚異未冠舉進士詔能講經義者別奏名應詔者纔
數十人恕以禮記春秋對凡二十問皆先列注疏及
諸儒異說後決以己意擢第一它文亦高等而廷試
不中更下國子試講經復第一賜第調鉅鹿主簿和
川令恕為人重義氣急然諾精史學自太史公所記
下逮顯德事無鉅微貫穿融液如指諸掌司馬光脩
資治通鑑薦恕為局僚凡史事焚冗難析理者悉委
恕魏晉以後所考論尤精核王安石欲引真三司條
例辭以親老來監南康軍酒稅就養許即官脩書後

至西京與司馬光居數月歸道病風攣手足廢然猶
時時脩書頃之卒年四十七恕之學自律數地理宦
職族姓至前代公府案牘皆取以審證其求書不遠
百里徃就讀且錄之忘寢食著五代十國紀年以擬
十六國春秋又採太古以來至周威烈時事左氏傳
史記所不載者為通鑑外紀

張文潛水玉堂記道原廉介剛直仕必欲達其道不
以一毫挫於人方其激於義而作雖足蹈坎井手攬
虎兇視之若無卽古烈士或愧焉平居自負經濟大
畧其為更嚴簿書束胥吏撫解寡繩豪猾纖悉曲當
皆可為後瀾其學自書契以來至於今國家治亂君
臣世系廣至於郡國山川之名物詳至於歲月日時
之後先問焉必知考焉必信有疑焉必決其言滔滔
汨汨如道其里閭室堂事其著書有疑年譜年畧譜
通鑑外紀十國紀年惟十國紀年先成世傳之以此
遷固歆向公亦自以為不愧云

捫蝨新話劉道原能自攻其過云平生二十失佻易
辨急遇事輒發狷介剛直忿不思難說古非今不達
時變疑滯少斷勞而無功妄自標致擬倫勝已疾惡
太甚不恤怨怒事上方簡遇下苛察直語自信不遠

嫌疑執守小節堅確不移求備於人不恤咎怨多言
不中節高談無畔岸臧否品藻不捨人過惡立事不
隨衆好更革應事不揣已度德過望無紀交淺言深
戲謔不知止任事不避禍議論多譏刺論事無機械
行止無規矩人不忤已而隨衆毀譽事非大害而憂
患太過以君子行義責望小人又十八蔽言大而智
小好謀而疎闊劇談而不辨慎密而漏言尚風義而
齷齪樂善而不能行與人和而好異議不畏強禦而
無勇不貪權利而好躁進儉嗇而徒費欲速而遲鈍
識闇而強料事非濼家而深刻樂放縱而拘小禮樂
易而多憂畏動而惡靜多思而處事乖忤多疑而事
爲人所欺

事文類聚劉秘丞家極貧一芥不妄取自洛陽歸時
方冬無禦寒具溫公以一二衣襪及貂褥贐不受強
之乃受至潁川悉封還

十國紀年序劉道原不信浮屠說以爲如人居逆旅
一物不可乏去則盡棄之豈得齎以自隨哉

舊志道原先凝之數年卒葬凝之墓側後其子義
遷其墓於德化

米玉堂記蘇子由嘗見凝之出而歎曰凜乎非今世

之士也凝之之為父與道原之為子廉潔不撓水清而玉剛鄉人因名其堂曰冰玉堂澗曰冰玉澗

舊志格字道純學博論正得父兄餘緒起應制科黃山谷陳令舉有詩送之未仕而卒

宋叟義仲字壯輿於書無所不讀不妄取與恕卒之

七年資治通鑑成追錄其勞官義仲知社齋郎政和中編逸叟義仲自汝州儀曹召為編脩官至京師不

謁權要未幾即致仕歸廬山一時公卿賦詩如餞三世繼美尤不易及云魏一翁書遂初堂書日後廬山

劉壯輿號稱多書然未久輒失之

宋叟和仲有軼材作詩清奧刻厲欲自成家為文慕石介亦蚤死

宋梅翁冰玉堂記南康使君曾侯致虛既表屯田劉公之墓明年乃訪得其故居遺地於郡治之東暇日

屏騁馭披荆棘而往觀焉問其北隱然以高者則劉公所賦之東臺也顧其南穴然以下者則詩序所指

之蓮池也蓋自兵亂以來蕪廢日久唯是僅存其他則皆漫滅不可復識矣曾侯為之躊躇四顧喟然歎

曰凝之之為父道原之為子其高懷勁節有如歐馬蘇黃諸公之所道是亦可謂一世之人豪矣想其平

日居此林塘館宇之邃詩書圖史之盛既有以自適
其適而一時遊且宦於此邦者亦得以叩門避席而
考德問業焉何其盛也顧今百年之外臺顧沼平鞠
爲灌莽樵兒牧子皆得以嘯歌躑躅於其上又何其
可悲也雖然此吾事也不可以不勉乃出少府羨錢
贖之民間垣而溝之以合於郡圃累石以崇其臺引
流以澗其池作冰玉之堂於臺之西北繪劉公父子
之像於其上且聞陳忠肅公之嘗館于是也則又繪
其像以侑焉旣而所謂是是堂漫浪閣者亦以次興
皆復其舊旣成使人以圖及書來屬予記予惟異時
承乏此邦亦嘗有意於斯而不克就今披圖考駿尚
能憶其髣髴固喜曾侯之敏於事而能有成矣抑予
又有感焉近歲以來人心不正保身者以同流合污
爲至行任事者以徼私適己爲長策其聞劉氏父子
之風不唾而罵之者幾希矣欲其能如曾侯一以表
賢善俗爲心而不奪於世豈可得哉於是旣書其事
而適有以陳令舉騎牛詩爲寄者因并以遺曾侯請
刻之堂上以補一時故事之缺云

黃山谷過致政屯田劉公隱居詩兒時拜公牀眼碧
眉紫煙舍前架茅茨爐香坐僧禪女奴煮嬰粟石盆

瀉機泉今來掃門巷竹間翁蛻蟬堂堂列五老勝氣
失江山石盆爛黃土茅齋新壞椽女奴為民妻又瘞
高里園當年笑語地華屋轉朱欄課兒種松子傘蓋
上參天投策數去日木行天再環先生古人風鐵膽
石肺肝眼前不可意壯日掛其冠解衣廬君峯洗耳
瀑布源霧豹藏文章驚世時一班眾人初易之久遠
乃見難憶管子政在為翁數解顏五兵森武庫河漢
落舌端王陽已富貴塵冠不肯彈呻吟刊十史凡例
墨新乾宰木忽拱把相望風隧寒百楹書萬卷少子
似翁賢

後山少府嶺劉凝之墓

南康郡西負郭為後山

南康志後山在星子縣西一里所與前山對峙

其下有陳圓隱居

南康志陳圓字德方嘗應制科有名稱已而歸隱後
山後進多師之黃山谷贈詩曰城中咫尺雲橫棧獨
立前山望後山又題其堂曰獨善隱居今廢

陳慕寓居

南康志陳慕字必正少從陳瑩中劉壯輿蘇養直遊
廉靖有守舉進士歷任州縣有聲或勸使求郡不從

歷倅洪潭明三郡歸以祖業遜兄寄寓後山號星灣
山疏慕子準正臣以父廕補官年五十卽掛冠歸號
清隱準子秬成和仕爲楚州倅秬子畦子從爲南漳
尉調靖州推官魏了翁奇而薦之不就以通直郎致
仕三世皆盛年納祿云

又西爲少府嶺其上有劉凝之墓

山疏少府嶺在南康府西二里所以劉墓得名

劉凝之墓在少府嶺凝之晚善養性術年八十五無
疾沐浴正冠而卒葬嶺下朱晦翁爲守時嘗脩其墓
爲立壯節亭後廢我明正德中南康守陳霖重建
墓亭立石刻歐詩及朱記

宋晦翁壯節亭記淳熙己亥歲予假守南康始至訪
求先賢遺蹟得故尚書屯田員外郎劉公凝之之墓
於城西門外草棘中予惟劉公清名高節著於當時
聞于後世暫而挹其餘風者猶足以激悞而律貪顧
今不幸饋奠無主而其丘墓之寄於此邦者又如此
是亦長民者之責也乃爲作小亭於其前立門牆謹
扃鑰以隄樵牧歲以仲春率郡吏諸生祀焉郡之詩
人叟驪請用歐陽公語名其亭以壯節適有會於予
言因屬友人黃銖大書以揭焉自是以來東西行而

過是者莫不顧瞻起敬予亦自以為茲丘之固且安
 可以久而不壞矣紹熙辛亥予去郡甫十年今太守
 章貢會侯寔來按圖以索其故則門牆亭榜皆已無
 復存者為之喟然太息即日更作門牆築亭其間益
 為高厚宏闊以支永久又確巨石以培其封植名木
 以廣其籟求得舊榜復置亭上歲皆奉祀一如舊章
 且割公田十畝畀傍近能仁寺僧使專奉守增葺費
 而又以予嘗經於此也以書來曰願得一言以記之
 使後之人知吾旦入峯之意而不解其尊賢尚德之
 心也斯不亦有補於世教之萬分乎予曰諾哉曾侯
 名集字致虛學有家灑故其為政知所先後如此云

層城山王京山清潭山

又西為層城山

舊志層城山今謂之烏石山在縣西五里

陶淵明遊斜川詩序辛丑正月五日天氣澄和風物
 閒美與二三鄰曲同遊斜川臨長流望層城又云若
 夫層城傍無依接獨秀中臬遙想靈山有愛佳名
 南康志九洪橋在縣西六里橋通錦屏鋪永樂二年
 知縣唐冕重建

又西為王京山

南康志王京山在南康府西七里

王澗在王京山東南有橋曰王澗橋朱晦翁有王澗詩

山疏山當大湖濱一峯蒼秀彭蠡東西數百里雲山煙水浩渺縈帶皆列几席前奇絕不可名狀

或曰姚氏女王京死而葬此故名然小說娼女姚王京嫁襄州小吏衛敬瑜敬瑜溺水死王京守志不它

適時有孤燕棲梁間王京試以紅縷繫其足明年春燕復來王京賦詩曰咎時無偶去今年還獨歸故人恩義重不忍更雙飛已而王京死燕飛至墳所下

唐李公佐有燕女記而南史以為王整之姊然皆云襄城人非此山事

其下有陶淵明舊居

山疏王京山陶淵明嘗居之淵明詩疇答家上京註云南康志近城五里地名上京有淵明故居

崔誠老隱居

山疏宋崔誠老名閑博學高逸不事進取廬於王澗之上以琴自娛名其廬曰睡足菴而自號曰王澗道人菴今廢

蘇東坡序答醉翁喜瑯琊山水之勝其後沈遵以琴

寫其聲而無詞今王澗道人獨妙於琴故因其聲而辭以補之

王京之側有清潭山

南康志清潭山在縣西七里與王京山相照屬山下有古潭

前山張叔夜墓

郡城東南負郭為前山其下有馮去疾別墅

南康志前山在縣東南一里所

舊志去疾嘉定十三年劉涓榜進士知溫州

郡城之東有神掌石

南康志神掌石在縣東一里陶公祠前

山疏石方而黑文隱隱如人掌俗謂之神運石

又東有張叔夜墓

山疏張叔夜墓在南康府城東三里

宋史初叔夜知海州嘗降劇賊宋江後知鄧州欽宗時分天下二十三路為四道道置都總管以領之而

叔夜為南道都總管與其子伯奮仲熊帥師勤王進簽書樞密院後卒於北溝河歸葬南康贈開府儀同

三司諡忠確

舊志郡守哀從脩嘗表其墓以米玉諸賢合祀

宮亭湖

又東為宮亭湖

南康志宮亭湖在縣東五里

湖以宮亭名者水經註爾雅云大山日宮宮之為名蓋起於此不必一由三宮也

湖傍之山有石鏡

幽明錄宮亭湖傍山間有石數枚形圓如鏡明可以鑿謂之石鏡後人以火燎之石遂不明

水經註山東有石鏡照水之所出有一圓石懸崖明淨照見人形晨光初曜則延耀入石毫細必察故

石鏡

湖上有宮亭廟

山疏宮亭廟高僧傳南康志謂之却亭廟宋景
敕著祀典

周景式廬山記高僧傳宮亭廟著靈孫權時其神能分風送舟舟行者皆禱祀祈風施捨山積西域僧安世高者南遊過祠下神忽人語為高言其毒世嘗為僧以瞋恚故積業受報墮異類中良苦今且死欲高為立灑營塔覲得善生高曰見而形神曰形惡必駭眾不可見已而自座後出其首蓋大蟒也昔與高膝

齊高撫其首為梵語讚頌數四蟒悲淚如雨即隱去
無何死柴桑縣山壑中其長數里縣人謂其地曰蛇
村是後廟不復著靈矣宋臨川王義慶宣驗記蟒死
於吳末庾仲雍荊州記晉初安世高以所得却亭廟
神財立白馬寺於荊州東南隅

水經註山廟甚神能分風擘流住舟遣使行旅過必
敬祀然後得去曹毗詩分風為二擘流為兩

吳郡太守張公直嘗與其妻女觀廟婢指女戲如其
夜公直妻夢神人來致聘甚懼泊明遽發至中流船
戛不前舟中咸懼曰柰何慶一女而禍一門耶公
不忍令妻下女於江妻以其亡兄女代之船即前已
而公直知之怒曰吾何面目見天下人耶復下其女
於江既濟見二女立岸側無恙傍一吏曰我廬君主
簿也高君之義悉歸二女

幽明錄南州人有遺吏獻犀簪於孫權者舟過宮亭
廟而乞靈焉神忽下教曰須汝犀簪吏惶遽不敢應
俄而犀簪已列前矣神復下教曰俟汝至石頭城返
汝簪吏不得已遂行自分失簪且得罪死此達石頭
忽有大鯉魚長三尺躍入舟剖之得簪

潯陽記周訪嘗與諸商宿宮亭廟晨起如廁見廁舍

中有一白頭翁逐之則化為雄鴨將還舟且烹之諸
商以為怪而競視之鴨忽飛去

冷齋夜話云少游南遷時舟宿宮亭廟下見湖月光
彩特異因憶答在西湖雲老憺竹軒所見景色與此
不殊其夜夢美人自稱維摩散花天女以維摩像求
贊少游愛其畫謂非吳道子不能作天女戲贈詩曰
不知水宿分風浦何異秋眠憺竹軒聞道詩詞妙天
下廬山對眼可無言少游贊曰竺儀華夢瘴面囚晉
口雖不言十分似九應笑蔭覆大千作獅子吼不如
博取妙喜似陶家手既寤嘗自書之其真蹟後落雷

州天寧寺

宮亭湖側為神林浦

南康志神林浦即神林湖在縣東五里

山神之墟舊有曹孟約湖莊及觀音廟今廢
蔣山不知作者誰氏

神林浦亦有蝦蟆石今公廟

南康志蝦蟆石在神林浦今公廟

晉

今公廟在蝦蟆石上公不知何人

蝦蟆石所有山為定山

古蹟志

今不知

桑有生日

土產

老尤

亦

三十一里山行端大而

石背微

境之五

二郡之

古蹟志

文政

廬山

六